



XIRA POLA VIDA DAS ZAPATISTAS NA GALIZA ENCONTROS DE MULLERES E DISIDENCIAS

As/es feministas galegas abrazámonos para abrazar ás compas/es zapatistas.

Compañeiras e compañeiros zapatistas, o anuncio da vosa chegada ao noso territorio encheunos de forza e soños de rebeldía. Destes soños naceu un proceso horizontal, de base e colectivo que está reforzando as nosas relación e os nosos lazos para brindarvos a mellor das acollidas posíbeis.

O(s) feminismo(s) galegos vimos traballando en tecer redes dende a diversidade dende hai moitos anos, cristalizando en mobilizacións e accións conxuntas onde a diversidade e a diferenza sume. Espazos democráticos, horizontais, nos que traballamos para eliminar as relación de poder e que nos ensina a camiñar en colecivo e construír en comunidade.

Inspiradas/es nunha das vosas palabras de orden que levamos no máis fondo do corazón: “para todas(es) TODO” queremos organizarnos dende a diversidade e a pluralidade, dende a base e coa asamblea e a colaboración como guías para facervos un convite que sexa tamén a todas as mulleres e identidades disidentes da Galiza a xuntarnos, a facer un encontro(s) de convivio, de rebeldía, de aprendizaxe, de apertas e festa.

Queremos que esta experiencia de escoitarnos, abrazarnos e aprender chegue ao maior número de mulleres e identidades disidentes do noso país. Por iso neste camiñar fomos creando un espazo onde sumar compañeiras/es e ir coidando o proceso xa que queremos que os lazos que hoxe temos sexan máis profundos e que a proposta que fagamos sexa un pouco de todes e de ningunha en concreto. Queremos abrazarnos para abrazar a vosa chegada.

Así naceu o noso proceso, da necesidade de encontrarnos entre diferentes, de escoitarnos e falar entre nós para saír ao voso encontro. Lanzamos unha convocatoria aberta a todas as mulleres e colectivos e identidades disidentes para pensar e repensarnos. E nesas estamos traballando, coa interseccionalidade e a escoita como ferramenta e a ilusión como horizonte.

Imos encontrarnos para darlle corpo e espazo á nosa proposta de organizar 2 Encontros de Mulleres e Identidades Disidentes en 2 puntos diferentes do noso país, para descentralizar, para descolonizarnos tamén nós das nosas xeografías e marcos mentais e para escoitar todas as voces, as das que pensan coma nós e as das que non, e ter este encontro entre as zapatistas e as galegas.

Soñamos que estes encontros permitan escoitar das súas loitas e contar das nosas. Por isto escollimos a parte máis agredida do territorio: o rural. Un rural vaciado, entrentado á supervivencia fronte aos que aniquilan a natureza, destrúen as nosas comunidades e mercadean coas nosas vidas.

O rural, ese territorio que atesouramos as comunidades, comunidades ligadas á terra e aos saberes e aprendizaxes ancestrais que moitas das veces custodiamos as mulleres como as sementes de vida, de

fortaleza. E nesta resistencia diaria está enmarcada a loita política de permanencia nos nosos territorios, a soberanía dos nosos corpos, a alimentar e a soberanía dos Pobos.

Un rural denostado polo capitalismo e a extracción dos estados coloniais que nos expulsa dos nosos territorios para despois expolialos dos seus recursos naturais, convertendo todo o proceso en mercadoría e negocio. Queren despoixarnos dos nosos corpos e dos nosos territorios e é dende aí que imos construír a nosa resistencia.

Con estes Encontros de Mulleres e Disidencias queremos dignificar estes espazos, espazos de COMUNIDADE, máis afastados das formas consumistas, que rachan cos conceptos de usar e tirar e entroncan coas loitas por ciclos pechados, por vidas dignas onde nos apoiemos e resistamos e que merezcan ser vividas.

Precisamos dignificarnos, desaprender, decrecer, deconstruír e tercer ALIANZAS e como decíamos ao principio abrazarnos como compañeiras/es en todo este proceso que tan fermosamente estamos a construír entre todes e que ansía os momentos de convivio destes Encontros.

Soñamos con que nestes encontros atopemos tempo a expresión artística dende a disidencia, que tamén ofrezan espazo para o diálogo e a escoita, para compartir nos nosos sentires e loitas, para falar da centralidade da vida fronte o lucro e a destrución, dos coidados e a comunidade como espazo de resistencia e rebeldía fronte á mercantilización absoluta da vida, espazos para a calma, o baile, a música e a festa, pero tamén para o deporte, as risas, as bágoas e a alegría.

Neste proceso a vontade e compartir e traballar dende a escoita e o apoio mutuo das compañeiras/es da loita antirracista que tanto nos levan ensinado neste proceso de descolonización que estos pobos tamén temos que facer. Por iso, se as compañeiras/es queren, quizáis, tal vez, exista un momento nos Encontros onde poidan compartir diálogo entre as persoas que viven o racismo e os procesos migratorios nesta parte do mundo. E quizáis nós, moitas de nós teñamos que deconstruírnos, poidamos escoitarvos e tamén garantiza a loxística e necesidades que este encontro de diálogo e sentires precisen.

Colabora coa
Xira Pola Vida



CAMISOLA 10€
5-6 / 8-10 / XS / S / M / L / XL / XXL

SACA 6€

CAMISOLA + SACA 15€

Fai o teu pedido
en i.gal/XiraPolaVida

